

Bosna i Hercegovina
Federacija Bosne i Hercegovine
Bosansko – podrinjski kanton Goražde
Ministarstvo za socijalnu politiku, zdravstvo, raseljena lica i izbjeglice

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), u skladu sa članom 50. Zakona o izvršenju budžeta BPK Goražde, za 2020.godinu („Službene novine BPK Goražde“, broj: 15/19 i 5/20), i odredbama Zakona o ublažavanju negativnih posljedica uzrokovanih stanjem nesreće („Službene novine BPK Goražde“, broj: 5/20), te na osnovu odredbi člana 7., a u skladu sa članom 5. i 6. Odluke Vlade BPK Goražde o davanju saglasnosti na postupak, kriterije i način dodjele finansijskih sredstava koja su planirana za saniranje posljedica pandemije (COVID – 19) u oblasti zdravstva i socijalne zaštite, broj: 03-11-1031/20 od 12.06.2020.godine, Ministarstvo za socijalnu politiku, zdravstvo, raseljena lica i izbjeglice BPK Goražde, objavljuje:

JAVNI POZIV

za dodjelu jednokratne novčane pomoći penzionerima sa najnižom isplaćenom penzijom na teritoriji Federacije Bosne i Hercegovine i licima starijim od 65. godina koji su se u vrijeme trajanja stanja prirodne nesreće našli u stanju socijalne potrebe

1. PREDMET JAVNOG POZIVA

Predmet ovog Javnog poziva je dodjela jednokratne pomoći penzionerima sa najnižom isplaćenom penzijom na teritoriji Federacije Bosne i Hercegovine i licima starijim od 65. godina koji su se u vrijeme trajanja stanja prirodne nesreće našli u stanju socijalne potrebe, u iznosu od 50,00 KM.

2. FINANSIJSKA SREDSTVA

Sredstva za dodjelu jednokratne pomoći predviđena su Budžetom Vlade Bosansko – podrinjskog kantona Goražde za 2020. godinu, ekonomski kod 614200- Tekući transferi pojedincima (COVID –19), u skladu sa Zakonom o ublažavanju negativnih posljedica uzrokovanih stanjem nesreće (“Službene novine Bosansko – podrinjskog kantona Goražde”, broj: 5/20).

3. UVJETI ZA OSTVARIVANJE PRAVA NA JEDNOKRATNU NOVČANU POMOĆ

Pravo na jednokratnu novčanu pomoć imaju penzioneri sa najnižom isplaćenom penzijom na teritoriji Federacije Bosne i Hercegovine koji su se u vrijeme trajanja stanja nesreće našli u stanju socijalne potrebe pod uvjetom da ispunjavaju slijedeće uslove:

- a) da podnosilac zahtjeva na dan proglašenja stanja prirodne nesreće ima prebivalište na području BPK Goražde,
- b) da je podnosilac zahtjeva penzioner koji prima najnižu isplaćenu penziju na teritoriji Federacije Bosne i Hercegovine u iznosu od 371,77 KM.

Spisak lica koja su starija od 65. godina starosti, a nalaze se u stanju socijalne potrebe Ministarstvo za socijalnu politiku, zdravstvo, raseljena lica i izbjeglice Bosansko – podrinjskog kantona Goražde obezbjedit će putem JU „Centar za socijalni rad Bosansko – podrinjski kanton Goražde“ .

4. POTREBNA DOKUMENTACIJA

Podnosioci zahtjeva za dodjelu jednokratne novčane pomoći po ovom Javnom pozivu dužni su dostaviti sljedeću dokumentaciju:

- a) Prijavni obrazac
- b) CIPS potvrdu – potvrda o prebivalištu na području Bosansko – podrinjskog kantona Goražde
- c) ček od penzije za mjesec maj
- d) tekući račun podnosioca (ukoliko isti posjeduje)

Lica starija od 65. godina koji su se u vrijeme trajanja stanja prirodne nesreće našli u stanju socijalne potrebe se ne prijavljuju već će isti biti obuhvaćeni putem spiska dostavljenog od JU „Centar za socijalni rad Bosansko – podrinjski kanton Goražde“.

5. PODNOŠENJE PRIJAVA/ZAHJTEVA NA JAVNI POZIV, ROKOVI

Prijavni obrazac se može preuzeti na web stranici Vlade Bosansko – podrinjskog kantona Goražde (<http://www.bpkg.gov.ba/>) e-registar, kod portira na prijavnici Bosansko-podrinjskog kantona Goražde ili u prostorijama Ministarstva za socijalnu politiku, zdravstvo, raseljena lica i izbjeglice BPK Goražde .

Javni poziv će se objaviti na službenoj web. stranici Vlade Bosansko – podrinjskog kantona Goražde: www.bpkg.gov.ba, oglasnoj ploči Bosansko – podrinjskog kantona Goražde i na Radio televiziji Bosansko – podrinjskog kantona Goražde.

Javni poziv ostaje otvoren 7 dana od dana objave na oglasnoj ploči Bosansko – podrinjskog kantona Goražde, a naknadno će se objaviti na web stranici Vlade Bosansko – podrinjskog kantona Goražde i na Radio televiziji Bosansko – podrinjskog kantona Goražde.

Zahtjevi se predaju u Ministarstvo za socijalnu politiku, zdravstvo, raseljena lica i izbjeglice Bosansko – podrinjskog kantona Goražde.

Ministarstvo za socijalnu politiku, zdravstvo,
raseljena lica i izbjeglice BPK Goražde

Broj: 08-11-733-3/20
Goražde,17.06.2020.godine

MINISTAR

Eniz Halilović